

Der halben fare keiner in ein solche gruben / oder so er darin ist / so fare er schnell widerub auff / cb in der schwaden begreiffe . Fürwar die fürsichtige vnd gſündē hauwer die rustē am freytag wan̄ es abendt wirt / vnd vor dem Montag fare sie nicht widerumb in die schäct / noch in die stollen / zwüschen der selbigen zeitt so verschwindet der giftig böser dampff des schwadens . Es ist auch / daß es ein vermutung mit der Hellen hat . Dañ ettliche örter / da arz gfunden wirt / wie sie salzā seindt / die geben von sich selbs den schwaden / vñ demppfen von sich den bösen giftigē luſt / wie dañ auch etlich drusē / aber dise halte offter in sich dum pſig böse wetter . Zu Planen ein stettlin in Behē glegen / seindt ettliche kluff / die zum zeitt im jar ein solchen giftigen dampff aus den saurbornē von sich gespendt / der die liechtlin erlöschet / vnd die heuwer / so sie lenger darin verharrē / umbringeret . Plinius schreibt auch / das die schäct so eingfallen / oder niderge senckt / so denen / welche in den schächten arbeitten ein dampff vonn alam oder schwefel für die nasen komme / das er sie tödte : diser gefar gibt ein groſſe anzeigen / so ein brinnends liechtlin / hinab gelassen / erloschē wirt . Als dañ bey dem schacht zür rechten vnd lincken seitten / werden dampff löcher gmachet / die das böſere wetter an sich nemmen . Aber zu Planen machendt sie blaßbelg / die d̄z dum pſig wetter schöpffen / vnd also disem vnglück begegnendt / darun ich obmals gsagt hab . Ja auch so vonn den farten die heuwer zum zeitten in die schäct falle lende / brechendt sie arm / bein / hals vnd bauch / oder so sic in sumpff hinab falle werden sie darin ersoffen . Es ist aber groſſe der steiger daran schuldig / den sein sonderlich ampt ist / das er auch die farten an die pfulbeume so fest anschlaſhe / das sie nicht abrechen mögendt / vnd die sumpffe / darzu die schäct gehörendt / so vhest / mit Brettern bedecke / das nicht die lent so sie bewegt werden / hinab in das wasser fallendt / derhalben soll der steiger sein ampt fleißig vnd treuwlichen aufrichten . Es soll auch die thür der kawen / nicht gegen de windt so da ist vom mittell nort oſt / sähē / das nicht zu winters zeit die farten von kelte zusammen gfrürindet . Dañ wo das geschicht / so starrende die hendt von kelte / oder werden schlüpfferig / das sie allso ihr ampt nicht thün mögendt . Es sollēde auch die leut fürsichtig sein / das so derē keins im weg ligt / sie auf ihrer farläſsig keit hinab fallind . Es fallendt auch die berg zun zeitten ein / vnd zerschmettern die leut / daß sie also jämmerlich sterben mäſsendt . Fürwar da vor zeitten der Rasmersberg zu Gosler ist nidergsunckē / hatt diser fall / so viel meiner zerknüſcht / daß auff einen tag bey vier hundert wytfrauwen worden seindt / wie ihre annalen dasselbig auf weisen : vnd von der zeitt här / vor eilf jaren ist zu Aldenberg ein teill des vndergraben gebirgs / nidergesessen / vnd hatt sechs hauwer vnuersähens zerdrückt / hatt auch ein kawenn / vnd darmitt ein müter mit ihrem söhnlin verschlungen . Dis geschicht groſſlichen in den gebirge / wo viel geschütte oder ſtock seindt . Derhalben sollen die bergtheuwer viel bogen oder vnder geben / das gebirg vhest zuhalten aufrichten : damit das abgebrochen geſtein / die knorren nicht zerschleiffe / sollende die bergkleut mit nohtwendigen gebäuwen / die schäct stollen / vnd felort vnderſtützen vnd berhestigē . Aber in unſern grübē ist nicht die gattig der vorgiftige Ameissen / welche Sardinia gebiert : Es ist ein thier wie Solinus schreibt / vast klein / vnd den spinnen gleich / genandt Solifuga / darumb das es den tag fleuhet / in den sylbergruben werden viel gfunden / freucht ganz still vnd heimlich / vñ bringt denen darauff es sitzt von wege jrer vnforsichtigkeit / ein pestilenz in büſſen . Aber / wie auch Solinus schreibt / so seindt in etlichen ortten heisse vnd gesunde bronnen / die das gift von disem thierlin eingepflanzt / hinweg treibendt . Aber in ettlichen unſeren grüben / wiewol in wenigē / ist ein andere verderbliche ſucht / nemlich die Bergkmenlin / die sehr greuwlichen sähē / von welchen ich geredt hab im buch / das ich von den thieren die vnder derden seindt / gſchribē hab / die ſelben Bergkmenlin werde mit fasten vnd bettē vertreiben . Ettliche aber auf diſen fälen / vnd auch auf an deren